

Эрдм-сургуулин тѳрмѳд

Хальмг таньгъч бѳрдсн уч-рар сургууль-эрдмин кергѳдт ик оныг ѳггдджана.

Хальмг таньгъчин эрдм-сургуулин отдел цуг багшнриг тоолдж, диглдж авчана. Эрдм-сургуулин отдел хальмгуд баях газрмудар багшнрин то илгата хя гидж бичг бичв. Тер багшнрас зу гар кѳ цуглулад, эднэ эрдм-сургууль ѳѳдлѳлхин тѳлэ Элст балгъснд шишлнэ хойр сара курс гаргъджана. Эн курс июнь сарас авн эклдж кѳдлхмн.

Сургуулин шин джилас авн 1-ч классд хальмг келар ном заагдхмн. 2—7-ч классмудар хальмг кел бас дасхмн. Цуг школмудар хальмг кел заахин тѳлэд багшнр белдгдхмн. Хальмг багшнр белдхин тѳлэ Ставропольск пединститутд 1957—58-ч сургуулин джил хальмг багшнр белдх отделений гарчана. Тер отделенды далн тавн кѳ авхмн. Эклц школин багшнр белдхин кергт Черкесск училищд хальмг хойр класс гарчана. Эн училищд хальмг джирн кѳвѳд-кѳѳкд эклц школин багшин сургууль дасхмн. Хальмг кѳвѳд-кѳѳкд

сургууль дасгхин тѳлэ Ростовск Астраханск, Сталинградск, Ставропольск институтсд орм гаргъдж ѳгчана.

Эн джил хальмг келар сургуулин дегтрмѳд барлгддж гархмн. Тѳрѳлэд негдгч классин дегтрмѳд гарчана. Дарунэ наатк классин дегтрмѳд гархмн.

1957—58-ч джил багшнрин эрдм-медрлиг ѳѳдлѳлгч институт гарчана. Даругъас хальмг келнэ, литературин, тууджин болн экономикин научно-исследовательск институт бас гарчана.

Элст балгъснд олн хальмг ѳрк-бѳл нѳѳдж ирх учрас авн балгъснд школин гермѳд тосгхд ик оныг ѳггдджана. 420 кѳѳкд-кѳвѳд сурдг нег гер Элст балгъснд бардж дуусджана. Даругъас бас нег школин гер эклдж тосгхмн. Эн джил болн ирх джил район болгънд школ тосгх зура баянэ.

Элст балгъснд эн джил бичкн кѳѳкд-кѳвѳдин сад бархмн. Шин бѳрдсн райодар 200 бичкн кѳѳкд-кѳвѳд асрх сад баргдхмн.

Кех кѳдлмш ик. Эч тоотиг кѳѳцах — мана эркн керг.

ОЧРА УТАШ.

15 центнерин ормд 60 центнер

ѳдр уттал, хаврин нарн халулад, цасн-мѳсн хаяльв. Кѳк те-нъгсин ар захнэ мѳснэс цеврдв.

КПСС-ин Централын Комитетин дуудвар, Алдр Октябрьск социалистическ революцин 40-гч ѳн кѳртл загъс барлгънэ джилэ зурагъан давулдж кѳѳцах даалгъвр Каспийск района загъсчнр авцхав.

Тѳн дотр района колхозмудин реюшечн звеносин загъсчнр ѳдр ирвас загъс барх зер-зеван белдцхав.

Мартин эклцар мѳсн-усна хаг дотрагъур, тенъгсѳр хаалгъ татад загъсчнр гарцхав. Тѳрѳн ѳдрмѳдт цаг ѳнъгрѳлл уга гѳлм-шѳѳгѳлэн хайлдад, 17-20

центнер загъс барцхав.

Тѳрѳ-зовлнъгаснэ ал уга Каспийск района цуг реюшечн звенос загъс барлгънэ кварталин зѳрагъан давулдж кѳѳцахав.

Цугъаргъаснэ саянар, чидлэн нѳл уга кѳдлснэ „Каспиец“ — колхозин загъсчнр Карпов, Васильев болн Гончаров. Негдгч кварталин зурагъан эдн дѳрвн холванднэ кѳѳцахав. Эдн 15 центнер загъс бархин ормд 60 центнер сан чинртэ загъс Прикаспийск комбинатд орулдж ѳгцхав. Наатк загъсчнрнэ эднэсн ѳлгѳр авад, эднэн дахджа-цхана.

ЭРДНИЕВ.